



一心為你

中電「全心傳電」計劃向來積極鼓勵市民從日常生活入手，以實際行動為地球減碳節能。今年全新一輯嘅「一心為你 減碳動起來」宣傳及推廣活動已經推出，藉一連串活動喚起更多人對環境嘅重視同關愛，持續積極減碳，令地球唔使再「碳」氣。

想踏出減碳第一步，即刻轉用中電綠色e服務啦。e服務好多好處，你既可以一手遙控智能流動服務，包括電子賬單，仲可以網上繳費，連供電轉名都可以輕輕鬆鬆，用一個賬戶就搞掂晒。

今次「全心傳電」嘅推廣活動，獎賞豐富，啟動網上賬戶，可獲500度度分迎新獎賞，換取價值港幣\$50禮券或GP精選產品*。迎新禮券適用於OK便利店、GP、株式会社旗下品牌（包括牛角、牛涮鍋等品牌）和JHC日本城。現有中電網上賬戶嘅客戶亦享低至3折嘅家電產品優惠，仲有其他豐富獎賞，包括「限時雙倍換亞洲萬里通里數」等緊你！

快啲啟動網上賬戶，慳電同時儲分換獎賞。

*禮券數量有限，換完即止。
*活動須受有關條款及細則約束。



慳電小貼士

3個風扇使用秘訣 令你涼爽之餘又慳電

睇屋企覺得有啲鬱焗，把風扇就要出動啦。學識以下3個使用秘訣，可以快啲令間屋涼啲，簡單秘訣好易記喇咋！

開窗促進空氣循環
因為風扇係無製冷功能，淨係吹走到物件表面嘅熱力，或者促進空氣循環，所以要開窗，先可以有新鮮空氣入屋嚟。

同冷氣機「雙劍合璧」
開冷氣同時開風扇，可以幫助室內空氣循環，加速降溫，咁冷氣就算唔洗校太凍都已經夠晒凍，仲慳到唔少電嚟。如果想冷氣均勻啲，將風扇放喺冷氣機出風口對面，可以吹散啲冷氣；如果想冷氣吹遠啲，就要將風扇同冷氣機出風口以同一方向、隔遠啲擺放。

預留風扇入風空間
唔少人為慳位將風扇貼牆放，但咁做風扇背面就抽唔到風，令出風量減少，減低風扇效能。建議喺風扇同牆壁之間預留一隻手掌寬度嘅空間。



活動開心Share

輕鬆儲分！ 購物點對點回收 一樣咁綠

不知不覺今年過咗5個月，大家手上儲到幾多度度分？中電推出兩個全新綠色儲分活動，分別係「綠購·儲分」同「回收·儲分」，其中「回收·儲分」更係中電首次同The Loops合作嘅。一次過參加晒兩個活動，就可以賺取雙重獎賞！

回收·儲分
The Loops係一間點對點上門回收嘅社企，可將高達90%家居廢物精選分類成可回收物料。安坐家中，就可以做到環保達人。完成首次訂購除咗可享8折優惠外，仲可賺取250度度分，立即行動啦！

綠購·儲分
而家購買指定能源效益標籤1-3級嘅家電產品，即可賺取高達500分嘅度度分獎賞。呢個計劃係多買多送，不設上限，大家可以趁夏天來臨前入手心水嘅家電。



低碳講呢啲

聯合國世界氣象組織最新報告指，亞洲暖化速度比全球平均為高，氣候暖化問題迫在眉睫。身處香港，我哋除咗喺日常生活中慳電節能，仲可以點樣做嚟幫助紓緩氣候暖化問題？

其實大家可以認購中電嘅「可再生能源證書」，支持本地生產可再生能源發展，從源頭開始減少碳足跡。證書上標示嘅每一度電，都係由太陽能及堆填區沼氣項目呢類再生能源產生，亦由中電百分百本地生產或購入。大家只要認購可再生能源證書，就可以另類方式參與本地可再生能源嘅發展。

想支持再生能源嘅發展，可以到「度度賞」網購平台，或填妥表格，認購中電「可再生能源證書」，揀你想購買嘅可再生能源電量度數*，完成認購後，你將會收到由中電發出嘅電子證書。

*現時每度電為港幣0.5元，最低認購數量為100度可再生能源電量。



AI 客服信箱

真·中電短訊點樣認？ 認實#CLP 陌生短訊唔好亂揸開

我朋友收到封自稱係「中電」嘅短訊，仲有連結叫我揸，究竟點先知道啲短訊係唔係真係中電發出？

其實由2024年5月23日起，我哋嘅短訊都會以「#」呢個符號做開頭，好似以下呢張圖顯示咁：



大家只要認實「#CLP」，就可以輕易咁識別並確認手機短訊係由我哋發送畀大家喇。

如果大家收到無「#」開頭發送人嘅短訊，要留意呢啲短訊嘅發送人係未經認證嘅，咁就要提高警覺，提防騙案陷阱，千祈唔好披露個人資料、銀行帳戶或信用卡資料詳情，亦唔好轉賬或打開短訊中嘅任何連結啦！